

محرّم اعيان و مبعوثان

هر مملکتده مشروطیتک فیض بخشا و مشر بر صورتده استقرار و انکشافی قوه تشریحیه ایله قوه اجرائیه بپنده عدل و موازنتک تیت و تأمیننه موقوف بولمسنه و بو امیننهک حصوله ساعی اولان حکومتله قوه تشریحیه آرسنده اختلاف و وقوع بولمسنه مبنی قانون اساسی موجبجه مجلس مبعوثانک فسختی اراده ایتمش ایدم ینه قانون اساسی ایله معین اولان مدت طرفنده انتخابات جدیده اجرا ایدیلرک بوکون مجلس ملینک کشادینه بلطفه تنالی موقیت حاصل اولدی بو مناسبت خیریه ایلهده جناب حقه حمد و ثنا ایدر و جمله کزده بیان خوش آمدی ایلمم .

مشروطیت اداره تک مابه القوامی اولان قانون اساسینک احتیاجات مملکتده کوره اکل تدیلاتی برنجی درجهده اهم و ازمدر مجلسکوزک اول امرده بوجهه صرف اهتمام ایتمشی و تودیع اولنه حق قوانین لایحه لرینک سرعت تدقیق و تصدیقی و بونلرک حین مذاکراتنده کچیریه جک هر دقیقه تک حیات ملتهده پک قیمتدار اولدینک نظر اهمیتدن دور طوئامسنی حیت وطنیه کزیدن بکلام .

مملکتده تجارت و زراعت و صناعتک بحق انکشافی امن و آسایشک تهرینه و قواعد عدل و مساواتک تماماً تطیقنه و ابستدر بومقصدهک فعلاً تأمیننی ضمننده احتیاجات محلیه بی رأی الدین مشاهده و تداییر مقتضیه بی بلاامهال محنده اتخاذ و تطیق ایلمک اوزره داخلیه ناظر مزک ریاستی تخنده روم ایلیه بر هیئت مخصوصه اعزام اولمشن و هیئتجه تقرر ایدن اصلاحات پیدرین تطیق ایدلمکده بولمشندر سائر ولایاتمز احتیاجاتک دخی تدقیق اراضی مسائلمک حلی و عشارک اسکانی ایچونده آیروجه هیئتله اعزامی مقرر بولمشندر .

امور نافعهجه کشفیات ابتدائیه سی اجرا قلنان و اناطولی به برحیات جدیده و بره جک اولان صامسون - سیواس، ارزنجان - اضروم و طرزون - اضروم دمیر یوللری حقنده مذاکرات جریان ایلمکده اولدینی کی اناطولی خطلرنی سیواس خطوطنه ربط ایدم جک اولان دمیر یولنک اهمیت عظیمه سنه مبنی سرعتله انشاسی اسبابی تدقیق ایدلمکده و مناستردن یونان حدودینه، قومانوده ن بلغار حدودینه قدرده برر خط جدیدی انشاسی ایچون شرکترله مذاکرهده بولنمقده در اسکوب - قالقاندان - غستوار شمندو فرینکده مقاوله سی عقد ایدلمش اولوب مجلسکوزده تودیع اولنه حقدرد .

واردات دولته سنین سابقهده اولدینی کی اوچ یوز یکرمی یدی سنه سندهده پک مهم برتراید وارد اوچ یوز یکرمی سکز سنه سی بودجه سنک مجلسکوزجه سرعت ممکنه ایله تدقیق و تصویبی غیر تکزیدن منتظر درر . سنه لردن بری سفکدمایه سبب اولان یمن مسئله سی اورالرده کی قوه عسکریه من قوماندانی وارکان حربیه من

ریسی عزت پاشانک اتخاذ ایلدیکی تداییر عسکریه و حکیماننه ایله حسن صورتله حل اولنه درق حمد الله سکون حاصل اولمش و عدیر جهتلرنده دخی اعاده سکون ایچون تداییر عسکریه اتخاذ اولمشندر .

صادق و قیمتدار برمامورمن اولان سیسام بکی قوباس افندی حقنده کی سوء قصد موجب تأسفمن اولمشندر . کریدهده حقوق حکمرانیزک محافظه سی اساسنده متحد بولندلرنی و بو اساسه مغایر برحرکتک وقوعنه مساعدنه ایتیمه جکلرنی انکلتزه فرانسه و روسیه دولتلری بزه تأمین ایتشلردر حکومتمن بو مسئلهده تیقف و تبصرله حرکت ایتیمکده اولدینسندن احوالک کسب ایدم جکی شکله کوره تداییر اتخاذ و حقوقوزک محافظه سنده ثبات ایدیله جکدر .

قوامی حربیه مزک ترقیات اخیرده سی موجب ممنونیت برحالده اولوب بونک برقاتدها تکمیل اسبابنه اعتنا اولمشی نخبه آملزدرر بویولده مصروف اولان مساعی صلح و آسایشک محافظه سنه و حقوق مملکتک مدافعه سنه معطوفدر .

سیاسیات خارجیه مزده حکومت مزک تعقیب ایتدیکی خط حرکت معتدل فقط متین اولمق و حقوقوزک تماماً محافظه سیله حقوق آخره تجاوز ایتمک اساسنه مستند بولمق اعتباریه دول معظمه متحابه و قومشو حکومتلره اولان مناسبات سیاسیمن ککان صمیمی و هر طرفدن متقابلاً ابراز اولنان مائر ائتلاف و مسالمت پروانه ایله دهها زیاده مستند انکشاف و انبساطدر .

دولتمزله ایران دولتی بپنده مختلف فیه اولان حدود مسئله سنک حلنی آرزو ایدیکمزذن اساسات عهدیه تک تبیین صورتیه حقوق طرفینی تأمین و حدودی صورت قطعیهده تعیین ایلمک اوزره عثمانی و ایران دلکلرندن مرکب مختلط بر قومیسسیون تشکیل و مذاکراته ایتدار اولندی مدت معینه طرفنده ائتلاف حصولی آرزو ایدرز انتظار مزک خلافنده اوله رق بعض نقاط حقنده ائتلاف حاصل اوله مزایسه بونلر لاهی محکمه تحکیمه سنه ابراز ایدیله جک و بالجه دول متمدنه رجال حقوقدن مرکب اولان بویله بر محکمه تک ویره جکی قرار بالطبع معمول به اوله حقدرد .

بغیر حق و عهدود و اصول بین الدوله مغایر اوله رق ایتالیا طرفندن آچیلان حرب هر طرفدن کوستریلان ارزوی صلحه رغماً دوام ایدیور بزه صلحی آرزو ایدرز انجق بو حربک صلح ایله نتیجه لیمشی حقوق حکمرانیزک فعلاً و تماماً ادامه و ابقاسیه قابلدر .

عساکر بریه و بحریه مزک و مجاهدین نجیبه عرب اولادمزک خاک پاک و وطنک مدافعه و محافظه سی خصوصنده ابراز ایتیمکده اولدقلری عزم و بسالتهک الحق سزاوار تقدیردر تاریخ عسکری و ملیمه شانلی بر صحیفه علاوه ایتیمدر شهیدلر مزک ارواحه فاتحله ر و غازیلر مزه سلام و دعایل اتحاف ایدرم .

موجودیتلرنی محافظه ایله سلامت و رفاهت عمومی لرنی تأمین ایدن ملکر بوسعاده عناصر مرکبه لرینک اتحاد و تعاونی ایله واصل اولمشندرر منفعت مملکتک هرشیدن اقدم و اقدس طوئلسنی و متحد بولمسنی کمال اخلاص ایله جمله به توصیه ایلم سلامت ملک و ملت اوغورنده و مصروف اوله جق مساعیکوزک توفیقات سبحانیه به مظهریتی جناب حقدن نیاز و مجلس عمومی کشاد ایدرم .